



րպէս վերեւտեսանք, հինն Բազրե-
ւանդ այժմ չորս վիճակներու բա-
ժանուած է, չորս դայմագամներու
կառավարութեան ներքոյ, որք էին
Ռիատին, Գարաքիլիսայ, Աշալիերտ և
Անդափ:

Ռիատին՝ արևելեան դաշտի արև-
ւելեան կողմ Եփրատի եզրն, Պայագիտի ճանապարհին
վերայ զիւղաքաղաք մէ, ուր կը նստի կառավարիչը և
160-ի չափ քուրդ 3—4 հայ զիւղեր կը կառավարէ:

Արևմտեան դաշտի մէջ երկու կառավարիչներ կան
որոց կառավարած վայրն կը բաժանէ Գաշլի գետակն,
որ Մերկեզերի լեռներէն կիջնայ, այս դաշան երկուքի
կը բաժանէ, աջ կողմն կը թողու բուն Աշալիերտի և
ձախն Գարաքիլիսայի վիճակներն:

Գարաքիլիսայի կառավարիչը կը նստի Գարաքիլի-
սան¹, որ վիճակին արևմտեան եզրը Գաշլի գետոյն ձախ
ափին մօտ շինուած է:

1. Այժմ զօրագունդ կայ, զինուորանոց շինուած է.
1880—85 թուին ամբողջովն մօտ 200 տուն բնակիչ հայ էին: